

QVÆSTIO MEDICA MATVTINIS DISPVATIONIBVS
AGITANDA IN SCHOLIS MEDICORVM DIE IOVIS XVIII. IANVARII

M. CAROLO BOVVART DOCTORE MEDICO MODERATORE.

An febribus malignis specifica?

MALIGNITAS in putredine, ex qua contumaciore aut inexpugnabili signis stipati quàm pro more deterioribus morbi, dicuntur maligni: Malignum id, aliàs diuinum, nec formale nec formalibus oppugnandum: Malignitatis & putredinis differentia secundum magis & minus (nec ob id specie mutata) simpliciter & superlatiue malignæ & malignissimæ, vulgaris & consummatæ constituendæ, quarum vi in cæteris, ita in febribus vires longè diuersæ, pro putrefacientium causarum varietate, diuersa putrescentium naturâ, agendi modo & conditione, gradum & locorum discrimine, peræque sunt cognitæ: Putredo mutatio totius substantiæ ab externo calore (quâ momento nihil perit) ad totius mixti corruptionem, omnis fit calefaciendo, vnum ergo specie soboles cum parente.



ATIAPNEYΣTIAN quotquot pariunt occlusiones: motus & comæatus libertatem interceptiunt obstructions, calorem peregrinum suscitant vulgaris auctorem putredinis: morbosius cuiuscunque apparatus causa communior, Aqua stagnantes, semiputridæ fruges, & id genus infecta tabo pabula, malignam inducunt: Quæcunque hyemali, Autumnali, aut potius Austriâ, pluuiâ, silenti, anni totius aut particularis cuiusque tempestatis accidit constitutione, talium in talia mutatione, malignioris est conditionis: Quibus si conspersa ære toto inquinamenta, à strage cadauerum, barathris inferioribus (maleficium à cælo repetere nefas) perniciem suam adiungant, insolens exitium patiens putredo confluet, cuius nec lenibilia, nec vegetantia, nec ipsa (excepto igne) expertia prima corpora.



MITIORIS intermittentes sunt participes, nisi foco interiore materia seruetur malè morata aut multiplex: Grauioris continuæ, hemitritæ duplicis succi malicia, tritæophrys crassioris vnius vitio, vitam miserè conuellunt, quia tamen remotius à corde, ardentium cedunt vehemencie: Continentes interna cacochymia toto plerumque fusa corpore capitaliores, quarum delirio, vigilijs, mentis sensuum & motus stupori, parotides nunquam diutius pati; nec obscuro pulsui, deliquijs, Apostitiæ, aluo & vesicæ siccioribus vnquam tempestiua exanthemata: Purpuratis, liuida, nigra, quæque lata, copiosa statim obliterantur, funestiora: Contraria in variolis & morbillis puerorum salutaria: Si humoribus comes ab ære contagio, pestifera: cum colloquatione febres prodeunt: sin spiritibus, vere pestilentes, blandi quandoque caloris suauitate, vinarum bonitate, pulsumque moderatione incautos tollunt, & numeros omnes implent crudelissimæ pestis & putredinis malignissimæ.



FEBRIS intentione prima, suis causis curatione est posterior: quocunque loco totius aut partium, excretionis noxiarum & attractionis necessariorum motus impeditur, seu à copia, lentis, crassis, densis, strictis, fuliginum suppressione contraria cuique debeantur, seu corruptum exinde ne syncerum trahat omni vacuum genere fit tollendum, seu quod putrescit ventilandum, succandum, coquendum, seu febris restinguenda, phlebotomia fert omne punctum: natura opportunè sanguine leuata aperit, attenuat, coquit, excernit, & sola penè reliqua perficit: hanc sola virium imbecillitas dysuadet, consumptis, potu, ære firmanda, solidis nullis, quorum nulla ruina: Quantitatem, virium modus, qualitatem, affectus & temperies; tempus, status, accessiones, consuetudo, sed optimè partes ob sitæ putredine simulque curationis modos definiunt: ventriculo, hepatis, paracelsus victus, omni tēpore roborantia, inferna vacuatio: thoracis vberior, vbique relaxantia, anacatharsis.



PERSISTANT diutius aut actius instant veneni contagia: non aliæ artes, sectis, nullâ morâ venis euocanda: flammeis cucurbitulis exugenda exigenda: alexipharmacis omnis generis tollenda, alteranda citis, tutis, efficacibus: Cathartica quæque validiora, metallica, hic deleteria: leuiora irrita: presentioniora diaphoretica, coquentia, spiritus restaurant, roborant, terg. ephract. præ cæteris refriger. & exsicc. Antid. de vip. de ouo, alker. plerumque noxia: monocer. lap. bezaar, bol. arm. lem. vniones plerumque vana: formalis antipathia aut simpath. quæ actu, sine organis, immutabilia, vna, vnum, semper, sumpta vel admota amandant aut emendent nulla sunt: Amuleta arsenicum anilia figmenta: causarum morborum & partium cognitio, est alimentorum & medicamentorum omnium inuentio: quæ aut notis qualitatibus, aut substantia tota id est *idonea* non incognitâ, agere & pati ratione & experientia explorantur, cæca cæcæ plebeculæ relinquimus vt aliena.

Ergo febribus malignis non specifica.

Proponebat Lutetiæ CLAVDIVS LIENARD Dormanus Anno R. S. H. M. DC. XVIII.

DOMINI DOCTORES DISPVATVRI.



M. Iacobus Pereau.
M. Guillelmus Gerbault.
M. Ioannes Espicier.



M. Franciscus le Sage M. R.
M. Georgius Cornuty.
M. Guillelmus du Val. P. R.



M. Ioannes le Mercier.
M. Michael Tontain.
M. Robertus le Secq.

